

DEN AMBIENTE

Entrevista exclusivo cu Efred Benita...

"MI A DEDICA E CD AKI NA MI ISLA NATAL ARUBA"

** Tabata un sorpresa agradable pa DEN AMBIENTE na momento cu nos tabata den contacto telefonicamente cu nos corensponsal Giovanni Atalita di Musica & Espectaculo y ademas hefe di redaccion di e vespertino La Prensa, na unda nos a encontra cu nos orguyo cantante internacional EFREN BENITA, kende tabata di bishita na e ora ey cerca Giovanni Atalita pa un entrevista.

Tabata un sorpresa tambe pa tende cu Efred Benita tabata na Aruba siman pasa y nos no a haya e oportunidad pa topa cu ne. Efred Benita a declara cu el a bin Aruba den pura y hasta e mester a viaha pa Corsow den pura cu a pone cu e la lubida algun di su pertenecianan.

Su viahe pa Aruba y Antillas ta uno di promocion relaciona cu su recien produccion di un C.D. titula "30TH ANNIVERSARY EFREN BENITA "DAVE BENTON".

Dave Benton ta su nomber

artistico cu e ta carga den exterior, na unda principalmente Europa e ta cosechando hopi exito.


E C.D. aki Efred Benita a dedica cu tur su amor pa su pueblo natal Aruba y tambe Antillas. Riba e C.D. ta aparece 8 cancion. E prome cu ta "Cu mi ta stimabo, no ta berdad", ta un pieza originalmente di e famoso cantante Michael Bolton, kende el a haya e permiso

personalmente pa lansa den e idioma papiamento, asina Efred Benita a afirma nos durante e entrevista.

Esnan cu ta sigui ta como lo

siguiente; Bo ta mi tera (letra di Efred Benita) - Cupid (letra

jij nu weg gaat, doet me pijn - (M. Bolton).



di S. Cook) - Amambey (letra Efred Benita) - My woman, special lady (Efred Benita) - Jij, Parijs en ik (Efred Benita) - Abo Paris y ami (Efred Benita) - Dat

1995, cosnan a bay asina super, cu e la haya su mes obliga di cancela varios ofertanan, ya cu su programa tabata demasiado ocupa.

E dosnan na idioma hulandes, ta esnan cu lo bay ser promove engrande na Hulanda. Si tur cos bay bon e dosnan aki lo bay aparece riba un single C.D.

Efred Benita a conta nos cu cosnan ta bayendo ala mii maravillas na Europa. Durante aña

Efred Benita ta spera cu e C.D. aki cu el a dedica especialmente pa su pueblo natal ARUBA y Antillas, resulta den un exito, pa asina tambe e bin presenta un show dilanti su propio publico local ta su sincero deseo.

Mayan diadomingo Efred Benita mester viaha pa Hulanda, pa asina e continua cu su compromisonan, na unda e tin varios giranan pendiente entre otro na Australia y Scandinavia.

Bueno ta nos deber patriotico di sostene nos artista Efred Benita cu e C.D. aki cua ta obtenible na tur nos discobarnan.

Porcierto Efred Benita ta cosechando exitonan grandi na Europa, na unda e ta popular bao di e nomber DAVE BENTON.

Awemerdia durante e programa di DEN AMBIENTE na Radio Galactica 99.9, nos lo tin un entrevista interesante cu nos orguyo artista internacional EFREN BENITA...


RUDY PLAATE A LANSA SU C.D. "TESORO DI TEMPO" DEN UN SOLD OUT NA CORSOW...

** Awemerdia durante e programa di DEN AMBIENTE na Radio Galactica fm entre 12or pa 2or di merdia, den caracter di primicia y exclusividad, lo estrena e prome disco compacto di e gran cantante di tur tempo RUDY PLAATE.

E C.D. titula "TESORO DI TEMPO" ta un produccion di 12 pieza, di cua 10 ta piezanan ya existente cu ta ser graba den pasado, mientras cu riba e produccion aki ta aparece dos pieza nobo nobo, cualnan ta "Mara nan, sera nan" cua ta dedica na e atraco di aña pasa na Banco di Caribe y "Hopi aña mas", cua ta ser dedica na un amigo di Rudy cu tabata den problema, pero cu a sa di recupera.

Ayera DEN AMBIENTE a haya e C.D. via nos corensponsal Giovanni Atalita di Musica & Espectaculo di La Prensa, despues di a combersa cu Rudy Plaate via telefon.

E piezanan existente sigur lo bay trese grato recuerdo nan cerca nos grandinan. Tambe sin duda algun e generacion nobo lo bay conoce e cancionnan aki cu ta contene letranan romantico masha



bunita y positivo.

Riba e C.D. ta aparece e siguiente piezanan; Nos Isla - Felicidad - M'a yega lat - Esperanza - Hopi aña mas - Dugudugu sin sous - Atardi - Solo sali - Tog mi sa - Caminda di Santa Rosa - Respeta Polis - Mara nan, sera nan.

Via telefonico Rudy Plaate a declara na DEN AMBIENTE cu e prome lote di e C.D. a resulta den

e sold out aki cu a sorprende su propio persona, e no por a delega un lote pa Aruba. Pero otro siman e lote ta yega Corsow y inmediatamente e lo viaha pa Aruba, pa asina personalmente introduci e C.D. na su pueblo tan queri Aruba.

Mientrastanto awemerdia henter pueblo di Aruba ta keda cordialmente invita pa sintoniza Radio Galactica, na unda den un forma di primicia y exclusividad lo estrena e C.D. aki, na unda tambe lo realiza un entrevista cu Rudy Plaate telefonicamente for di hermana isla Corsow.

Tambe Rudy Plaate a manda un C.D. pa asina nos por rifa durante e programa farandulero super campeon. Pues ata bo oportunidad pa gana un C.D. exclusivo di RUDY PLAATE...

un sold out na Corsow. Debi na